A vertical image showing a sunset over a body of water. The sky is filled with soft, colorful clouds in shades of blue, orange, and yellow. The sun is low on the horizon, creating a bright reflection on the water. In the background, there are dark, silhouetted mountains. The overall mood is peaceful and contemplative.

Мен
Жаннетге
къалай
тюшерге
боллукъма?

Мен Жаннетге къалай тюшерге боллукъма?

Кёп адам – ёлюмню юсюнден ойлагъанла окъуна, ёлгенден сора ол дунялары къайда ётеригини юсюнден сагъыш этмейдиле. Бу дунядан ёлюп кетгенден сора, ала ёмюрлюк жашаугъа ётериклерини юсюнден оймайдыла – ол жашау а, не Раббийни биргесине – жаннетде, не Рабийсиз жаханымде боллукъду. Бир белгили киноартист жети жылы толгъанда «Инопланетянин» деген фантастика кинода баш ролюн ойнагъанды. Эмда андан сора бек белгили адам болгъанды. Кёп болмай, жыйырма сегиз жылы толгъанда, ол былай айтханды: «Мен киштигимден алгъа ёлсем, анга, мени кюйдюргенден сора мени кюлюмю ашаргъа беригиз; алай бла мени жашауум киштикде окъуна андан ары барсын».

Кесини ёмюрлюк жашаууну юсюнден аллай бир ойлаусузлукъ къалай осалды!

Исса жерге келип адамланы арасында жашагъан заманда Анга бек кёп адам келе эди. Аланы асламысы бу дуняны жашаууна керекли затланы излей эдиле:

- **Келепен ауруулары болгъан он адам Исса аланы сау этерлерин излей эдиле** (Лука 17:13);
- **Сокъур адамла кёзлери кёрюрлерин излей эдиле** (Маттай 9:27);
- **Халкъны ичинден биреу Иссагъа: «Устаз, мени къарындашыма айт, ол бизге къалгъан мюлкден юлешип, мени юлюшюмю берсин» – деди.** (Лука 12:13-14);
- **Фарисейле Иссагъа келип: «Кесарьгъа жасакъ берирге тийишлимиди огъесе туююмю» – деп хыйлачы соруула бере эдиле** (Маттай 22:17).

Эмда бек аз адам жаннетге къалай тюшерге боллукъну юсюнден сорургъа Иссагъа келе эдиле. Бир жаш адам Иссаны соруу берир ючюн излей эди. Ол: **«Ахшы устаз! Ёмюрлюк жашаудан юлюшлю болур ючюн, мен не этейим?»** – деп сорду. (Лука 18:18) Исса анга: **«Битеу болгъан затынгы сат»**, – деди. Жюрегинде биринчи жерни алгъан затны юсюнден айтхан эди. Эмда андан сора: «Кел да Мени ызымдан жюрю», –

деди. Ол жаш адам бек бай болганы себепли, Иссаны айтханына кзулакъ салмады эмда кеси Жаннетни къабыл этмеди. Жаннетни излемегенле да бар эдиле, алай а Иссагъа тюбеп жаннетни юсюнден эшитгенден сора, олсагъат окъуна жаннетге тюшер хар амалны хайырланнгъан кеп адам да бар эди. Сёз ючюн, Закай деген бир адам Иссаны жаланда керюрге излей эди. Алай а, жаланда керюп къалмай, Закай жаннетге жолну тапхан эди. Закайны юйюнде къонакъда болгъан кезиуде, Исса анга: **«Энди бу юйге къутхарылыу келди»**, – деди. (Лука 19:9).

Жаннет деген неди?

Эмда биз аны бу дуняда къалай табаргъа боллукъбуз?

- Жаннет – ол бош зат туюкдю. Ол кертиси бла да болгъан, Раббий бизге хазырлагъан жерди.
- Жаннетге тюшер ючюн кеп тюрлю хазырланыула керек- мейдиле.
- Жаннетге тюшер ючюн кеп тюрлю къыйын борчланы толтуруу керекмейди.
- Багъалы окъуучула, сиз эм биринчи билирге керекли зат: бююн окъуна сизни Раббий Аллахдан ёмюрлюк жашауну саугъагъа алыргъа амалыгъыз барды.

Ол амалны юсюнден Раббий не айтады? Биз, жаннетни излеуде Раббий бизге аны саугъагъа берирге айтханын эсге алмасакъ – жаннетге тюшерге башха амалла излегенибиз бошду. Бир жырчы бир масхарачыны юсюнден былай жырлай эди: «Ол жаннетге тийишлиди, нек дегенде – кеп адамланы кзуандыра эди». Бир бай тиширыу а, жарлылагъа болушлукъ этген фонд кзурагъан эди эмда жыйырма жарлы тышырыу хакъ телемей жашарча, юйню ишленнгенине телеген эди. Ол юйде жашаргъа излегенле, хар кюн сайын, бир сагъатны ичинде алагъа бу ахшылыкъны этген тышырыуну жаны къутхарылыр ючюн тилек этип турургъа керек эдиле.

Биз кертиси бла жаннетге къалай тюшерге болаллыкъбыз?

Аны бизге ангылатыр ючюн Исса оюм берген таурухну айтды (Лука 14:16). Бу оюм берген таурух Иссаны сыфатын ачыкълайды. Бир адам уллу ушхуур этерге оноу этди (мында ушхуур – жаннетни кергюзтеди) эм кеп

адамлагъа чакъырыу къагъыт жиберди. Алай а чакъырылган адамланы жууаплары бек сейирсиндиредиле. Ала бары да чакъырыугъа «угъай» дедиле эмда «бары да бир тилли болганча кечгинлик тилеп башлагъан дыла.


Биринчиси: мен жер сатып алганма...

Экинчиси: мен беш къош ёгюз сатып алганма...

Ючюнчюсю: мен къатын алганма, ол себепден келаллыкъ туююлме». Исса оюм берген таурухун ушхуур этген адамны сёзлери бла бошады: **«Ол себепден сизге айтама – ол алгъа чакъырылганладан бири да мени ушхуурумуну татарыкъ туююлдю»**. (Лука 14:24).

Жаннетни табаргъа болгъаныча, тас этерге да бола кёреме? Биз чакъырылыуугъа хау неда угъаймы дейбиз – ол бек магъаналыды. Андан магъаналы зат бола-лырмы? Бек кёп адам ахырзаманда жаннетге тийишли болмай къаллыкъдыла. Ол иш а адамла жаннетге жолну билмегенлеринден туююл, алай а ол жолну къабыл этмегенлери ючюн боллукъду.

Биз ол оюм берген таурухда айтылган юч адамдан юлгю алыргъа керек туююлбюз – аладан бири да уллу ушхуургъа келмеди! Алай болгъанлыкъгъа уллу ушхуур болмай къалмады. Чакъырылганла угъай дегенден сора, юйню иеси кесини къулларына: «Хар бир адамны да чакъырыгъыз», – деп буйрукъ берди. Ол энди алтын накъышлары бла жасалган чакъырыу къагъытла жибермейди. Энди жаланда: «Келигиз», – деген сёз тамамды. Ол чакъырыугъа келген адам уллу ушхуурда кесине жер табады. Сора уа не? Адамла ушхуургъа барадыла; кёп адам окъуна барады. Юйню иеси тегерекге къарап, дагъыда бош жерле болгъанын кёрюп эмда кесини къулларына: «Барыгъыз да, адамланы келирге атландырыгъыз», – деди.



Бу оюм берген таурух бююнню болумну бек ачык кёрюзтеди. Жаннетге эшик хар адамга да ачыкды. Раббий санга буйрукъ этеди: «Акълман бол! Бююн кел, жаннетде санга хазырланган жерни ал. Ёмюрлюк жашаудан юлюшлю бол!»

Жаннет биз аны ачыкларга болалмазча ариуду. Коринфлилеге жазылган биринчи кьагъытда (2:9) жаннетни юсюнден былай жазылады: «Аллах, Аны сюйгенлеге не хазырлагъанын кёз да кёрмегенди, кьулак да эшитмегенди эм ол адамны жюрегине да келмегенди». Бу дуняда жаннет бла тенглешдирир бир зат да жокъду. Анда алай алатды! Жаннет алай багъалыды, биз ары тюшерге бир амалыбызны да тас этерге керек туюлюбюз.

Раббий Исса бизге жаннетге жол ачханды. Иссаны юсю бла жаннетге кирирге амал барды. Энди бары да бизни кьолубуздады. Чакъырыу кьагъыт келген заманда «Угъай» дегенле ол юч оюмсуз чакъырылганга ушарыкдыла.

Къутхарылыу Исса Масихни юсю бла бериледи

«Абустолланы ишлери» деген китапда (2:21) биз бек магъаналы сёзлени окъуйбуз: **«Раббийни атын айтып тилек этген хар адам къутхарыллыкды»**. Бу сёзле – Жангы Кесаматны баш магъанасын тутхан сёзледиле. Абустол Паул Филиппы деген шахарда тутмакъда болган заманда сакълауул бла ушагъын бу сёзле бла бошаган эди: **«Раббий Масих Иссага ийнан, кесинг да къутхарылырса эм битеу юйрюнг да къутхарылыр»** (Аб. Ишл. 16:31). Бу сёзле адамны жашауун тюрлендирирге болаллык сёзледиле. Ол ингирде окъуна сакълауул тобага кьайтды да жаннетге тийишли болду.

Исса неден къутхаргъанын билирге керекди: ёмюрлюк ёлюмге элтген жолдан – жаханымден. Инжилде жазылганга кёре адамла жаннетде кибик жаханымде да ёмюрлерин ётдюрюкдюле. Бир жер – алатды, экинчи жер а - ахырлыкды. Ючюнчюсю – жокъду. Ёлгенден сора хар неда бошалады деп бир адам да айталлык туюлду. Оноу Иссаны кьолундады. Биз Иссаны кьабыл этсек ёмюрлюк жашауубуз жаннетде боллугъун билебиз. Бир жол мен лекцияларым бла Польшада болган эдим. Анда биз Освенцим концлагерге барган эдик. Немисли фашистлени заманында анда бек кьоркюнчлю эм кюйсюз затла бола эдиле.

1942-1944 жыллада Освенцимде газ бла буулуп эм кюйдюрюлюп бир миллион бла беш жүз минг адамгъа жуукъ ёлтюрюлген эдиле. Аланы асламысы чюйютлюле эдиле. Литературада «Освенцимни жаханими» деген сёз кьуралгъанды. Ол сёзню юсюнден, мен газ жиберилген камерада, бир кереге алты жүзге жуукъ адам ёлген жерде ойлай эдим. Ол сёз бла айталмазча ахырлыкъ эди. Ол жер кертиси бла жаханымми болур эди?

Биз – экскурсиягъа баргъан къауум адам - ол жерлени къоркъуусуз башдан аякъгъа дери къараргъа онгубуз бар эди, нек десегиз ол жерде энди бир адамны да ёлтюрмей эдиле. Ол адамсызлыкъ ишлени ахыры 1945 жылда келген эди. Освенцимде болгъан жаханым бир талай заманны ичинде болгъан эди, Инжилде жазылгъан жаханым а - ёмюрлегеги.

Освенцим музейде мени кёз къарамым къабыргъаланы биринде орналгъан жоргъа тюшдю. Ол тутмакъгъа тутулгъанланы бири кесини ышануун чюй бла къабыргъада тырнагъан эди. Ол жазыкъ адам кёп башха адамла бла бирге газ жиберилген камерада ёлгенди, алай а ол кесини къутхарыучусун – Масих Иссаны биле эди. Ол адам – ол кюйсюз, ахырлыкъ жерде ёлгенликге – жаннет эшик анга ачыкъ эди. Жаханымден а (Исса бизге Жангы Кесаматны бетлеринде кёп кере айтады; сёз ючюн Маттай 7:13; 5:29–30; 18:8) адамгъа не къутхарылыу, не азатланыу жокъду. Освенцим бла тенглешдиргенде жаханым «тохтаусуз» ишлейди – ёмюрлегеги. Аны себепли, жаханымге къысха экскурсия этерге амал жокъду.

Жаннет да ёмюргеги. Ол – Раббий Аллах бизни элтирге суйген жерди. Аны себепли, сизни Раббийге чакъырыргъа, мени эркин этигиз. Раббий Иссаны къабыл этигиз да, кесигизге жаннетде жер хазырлагъыз!

Бир жол, лекциямдан сора бир тиширыу менден былай сорду: «Адамгъа жаннетде кесине жер хазырларгъа амал бармыды? Солуу жерлеге барыргъа болушлукъ этген бюрогъа ушайды сизни айтханыгъыз!» Мен ол тиширыуну айтханы бла келишдим: «Адам алгъадан кесине билетни алыргъа онг этмесе – муратына жеталлыкъ туююлду. Сиз Гаваялы айрыкамгъа барыргъа сюе эсегиз, сизге билет алыргъа керекди». Ол менден дагыда былай сорду: «Билет алыр ючюн багъасын төлерге керек болур да?!» – «Хау, жаннетге элтген билетни да багъасын төлерге керекди! Алай а, жаннетге элтген билетни багъасы алай багъады, бир адам да аны багъасын төлеялмайды. Гюнях – бизни жаннетге жолубузда



чырмауду. Раббий Аллах а кесини кёклеринде гюняхха тёзмейди. Бу дуняда жашаудан сора Жаннетде ёмюрюн бардырама деген адам алгъа кесини гюняхларын-дан азат болургъа керекди. Ол азатланыуну кеси гюняхсыз болгъан эталлыкъ эди – эмда ол Адам Исса Масих болду. Жаланда Ол телеялгъанды бизни гюняхларыбызны! Эмда телегенди – Кесини къаны бла, Кесини къачда ёлгени бла».

Мен Жаннетге тюшер ючюн не этерге керекме? Раббий Аллах барыбызны да Аны къутхарылыуун къабыл этерге буюрады. Инжилде кёп аятла Раббийни чакъырыуун къабыл этерге бизни кёллендиредиле:

- **«Тар къабакъдан кирирге кюрешигиз»** (Лука 13:24).
- **«Тобагъа къайтышыгъыз, Кёклени Патчахлыгъы жуукълашханды»** (Маттай 4:17).
- **«Тар къабакъдан киригиз ; нек десегиз кенг къабакъ бла эркин жол жоюлуугъа элтгенледиле, кёпле да ол къабакъ бла киредиле. Тар къабакъ бла такъыр жол – жашаугъа элтгенледиле, ол жолну уа азла табадыла»** (Маттай 7:1314).
- **«Ёмюрлюк жашауну тут, сен анга чакъырылгъанса»** (1 Тимотейге жазылгъан къагъыт 6:12).
- **«Раббий Масих Иссагъа ийнан эм къутхарылырса»** (Абустолланы ишлери 16:31).

Бу башында жазылгъан чакъырыула бары да хакъ кертидиле эм бизни ёмюрлюк жашауубузгъа оноу этерге чакъырадыла. Бу сёзледе аланы керти магъаналарын эм ол ишни артха салыуугъа жарамгъанын кёресиз. Бу чакъырыугъа сизни тюз жууабыгъыз быллай тилекде кёрюнюрге боллукъду:

«Раббий Исса, мен бюгюн окъугъаныма кёре Сени жаннетинге мен жаланда Сени юсюнг бла кирирге болаллыкьма. Мен Сени биргенге жаннетде болургъа сюеме. Ол себепден мени жаханымни тузагъындан къутхар. Мен гюняхлы болгъаным себепли мени барлыкъ жерим жаханымди. Сен а мени гюняхларым ючюн къачда ёлюп, аланы тёлегенсе. Сен мени гюняхлы табийгъатымы туугъан кюнюмден бюгюннге дери кёресе. Сен мени хар болгъан гюняхымы да, унутулгъан гюняхымы да билесе. Мени жюрегими талпыгъаны санга ачыкъды. Болгъан халим бла мен Сени жаннетинге кираллыкъ туююлме. Мен Сенден тилейме, мени бар этген гюняхларымы кеч, мен бек сокъуранама. Мени жюрегиме кел да, Сени бла жаннетде болургъа чырмагъан затланы тазала деп тилейме. Сен манга жангы жашау бер. Сени Сёзюнгю – Инжилни ангыларгъа болуш. Сен манга сени Сёзюнгю юсю бла айтыргъа суюгенинги ангылат эмда бойсунган жюрек бер, Сени оноунгу толтурурча. Мени Оноучум бол. Мен Сени ызынгдан барыргъа сюеме. Сен мени жашауумда барыр жолуму кёргозт. Сен мени эшитгенинг ючюн эмда Сени баланг болургъа эркинлигим болгъаны ючюн Санга махтау салама. Ол дуняда мен Сени бла бирге жаннетде боллугъума ийнанама. Амин».

Профессор,
доктор технических наук
Вернер Гитт



Название статьи на немецком: Wie komme ich in den Himmel?
Интернетовский сайт автора: www.wernergitt.de
Рисунок на обложке: Элиза Кристиан

Missionswerk DIE BRUDERHAND e.V.
Am Hofe 2; 29342 Wienhausen, Germany
Tel.: +49 (0) 51 49/ 98 91-0, Fax:-19
Homepage: bruderhand.de
E-Mail: bruderhand@bruderhand.de
© 2010: Missionswerk DIE BRUDERHAND e.V.



Nr. 840
Balkarisch / Balkarian
2nd edition 2010